

# Highland Zack

## A rots Haus

Text: Werner Bohner

**Do schtod a rots Haus onder der Oicha,  
do wohn i mit maine liabschte Fraind.  
Do schtod a rots Haus onder der Oicha  
Do kannsch uff'm Bänkle hocka,  
wenn d'Sonna schaint  
ond gosch d'Kellerstaffla na,  
en onsern Andergrund,  
no herrsch au glei  
onsern Elfmetersaund**

**En so ra Mietskasern en der Großschdadt,  
do brengd mi koi Sau me nai;  
wo z'laut Soicha  
scho a Verbrecha isch,  
Leit i hab gnuag  
von eierm Schmähbruadrverai.  
Do steig i liaber meine Kellerstaffla na  
ond schrei  
Buaba zerrat's ra**

**Do steig i liaber meine Kellerstaffla na ond schrei  
Buaba , Buaba zerrat's ra**